

Presennol

Y Cynghorydd – Cadeirydd

DK Edwards

RM Granville

G Thomas

Ymddiheuriadau am Absenoldeb

JC Radcliffe, MC Voisey a/ac CA Webster

Swyddogion:

Jane Dessent

Cyfreithiwr

Andrew Mason

Rheolwr Hawliau Tramwy

Kevin Mulcahy

Rheolwr Grŵp - Gwasanaethau Priffyrdd

Michael Pitman

Swyddog Gwasanaethau Democrataidd – Pwyllgorau

10. DATGANIADAU O FUDDIANNAU

Dim.

11. CYMERADWYO COFNODION

PENDERFYNWYD: Cymeradwyo cofnodion y 08/01/2019 fel cofnod gwir a chywir, yn amodol ar ychwanegu'r rhai a enwir isod oedd yn bresennol:

Gordon Wheeler

Les Meachin

12. BWRIAD I DDARGYFEIRIO LLWYBR TROED 19, LLANGRALLO ISAF A DILEU RHAN O LWYBR TROED 18 LLANGRALLO ISAF

Cyflwynodd y Rheolwr Hawliau Tramwy adroddiad yn gofyn am awdurdodiad i wneud dau Orchymyn yn unol ag Adran 257 (gwyrriad) ac Adran 258 (Dileu) Deddf Cynllunio Gwlad a Thref 1990, ar dir i'r dwyrain o'r A48 (Bryn Crac), Brocastell, Pen-y-bont ar Ogwr, CF31 5AU.

Dywedodd y byddai ymweliad safle wedi cael ei gynnal fel arfer i alluogi'r Is-bwyllgor i fynd ac archwilio'r ardal. Fodd bynnag, oherwydd cyfyngiadau Covid-19 ni fu hyn yn bosibl. Yn lle hynny, dangosodd luniau o'r ardal.

Rhannodd y Rheolwr Hawliau Tramwy y llun cyntaf, oedd yn dangos manylion cynllun lleoliad yr ardal. Ychwanegodd er gwybodaeth ei fod wedi ei leoli ychydig i'r de o Ffatri Ford, rhwng ffiniau Pen-y-bont ar Ogwr a Bro Morgannwg.

Cyflwynodd y Rheolwr Hawliau Tramwy ddau lun arall yn dangos hyd oes y safle fel ag yr oedd yn 2015, ac eto yn 2020 pan oedd y safle'n cael ei ddatblygu.

Dangosodd luniau o lwybr troed 19 (Llangrallo Isaf) sef man cychwyn y llwybr troed ym mhwynt A (a amlygwyd yn Atodiad A yr adroddiad) a dangosodd y giât bresennol yn ogystal â golygfa ar draws canol y safle i gyfeiriad y gogledd ddwyrain.

Dangosodd hefyd luniau o'r llwybr amgen arfaethedig oedd yn dangos lle byddai'r llwybr yn ymestyn ar hyd y clawdd wrth ochr yr A48 ac yn wynebu tuag at bwynt C (a amlygwyd yn atodiad A yr adroddiad). Fel gwybodaeth bellach, dangosodd luniau ychwanegol yn dangos y llwybr ar hyd y pwyntiau oedd yn weddill a amlygwyd yn Atodiad A yr adroddiad.

Ychwanegodd y Rheolwr Hawliau Tramwy fod gwybodaeth bellach wedi cael ei darparu ar ôl i'r adroddiad gael ei gyhoeddi ac roedd hon yn dangos giât ychwanegol ym mhwynt E, fyddai'n cael ei chynnwys fel cyfyngiad ar y gorchymyn.

Dywedodd fod rhan o'r llwybr yn cynnwys camfa, ond soniodd y gallai unrhyw un nad oedd yn medru defnyddio'r gamfa ddefnyddio'r llwybr dros dro a ddarperir gan y datblygwr am y 5 mlynedd nesaf.

Dywedodd y Rheolwr Hawliau Tramwy fod pont droed ym mhwynt J oedd o'r golwg ar hyn o bryd o dan ordyfiant o laswellt a phlanhigion, ac y câi hon ei chlirio pan fyddai'r gwyrriad yn cael ei wneud.

Gofynnodd Aelod ai ymgeisydd y safle datblygu a ofynnodd am orchymyn y gwyrriad. Cadarnhaodd y Rheolwr Hawliau Tramwy mai ef oedd wedi gofyn.

Holodd Aelod ynghylch y gamfa a ddangosid yn y llun. Roedd hon yn ei gwneud yn anodd i bobl anabl neu bobl â phroblemau symudedd eraill i ddringo drosti, ac felly oni ellid gosod giât yn ei lle? Eglurodd y Rheolwr Hawliau Tramwy, er mwyn diogelu'r glasbrennau yn y manau plannu tirwedd gwell newydd, bod yr ymgeisydd/tirfeddiannwr wedi penderfynu gosod ffens atal cwningod tra byddent yn aeddfedu dros gyfnod o 5 mlynedd. Roedd rhagor o wybodaeth am hyn yn 4.27 a 4.28 o'r adroddiad.

Gofynnodd yr Aelod a ellid codi arwyddion i hysbysu pobl am y llwybr troed ychwanegol. Cytunodd y Rheolwr Hawliau Tramwy y gellid gosod arwyddion ychwanegol i hysbysu defnyddwyr am y llwybr oedd yn cael ei ganiatáu. Câi'r rhain eu symud wedyn ar ôl i'r 5 mlynedd fynd hebio.

#### **PENDERFYNWYD:**

- awdurdodi'r Prif Swyddog - Cyfreithiol, AD a Gwasanaethau Rheoleiddiol i wneud y Gorchymynion angenrheidiol er mwyn dargyfeirio Llwybr Troed 19 Llangrallo Isaf a dileu Llwybr Troed 18 Llangrallo Isaf yn rhannol fel y dangosir ar y cynllun yn Atodiad B i'r adroddiad, ac i gadarnhau'r Gorchymynion ar yr amod na wneir unrhyw wrthwynebiadau na sylwadau o fewn y cyfnod rhagnodedig, neu os caiff unrhyw rai a wneir felly eu tynnu'n ôl;
- awdurdodi'r Prif Swyddog - Gwasanaethau Cyfreithiol, Adnoddau Dynol a Rheoleiddio i anfon y Gorchymyn(Gorchymynion) at Lywodraeth Cymru i benderfynu arnynt, os na chaiff unrhyw wrthwynebiadau a dderbyniwyd eu tynnu'n ôl; a
- bod y Gorchymyn/Gorchymynion yn eithrio unrhyw ran o'r gwyrriad, sy'n defnyddio priffyrdd, sy'n cael eu cynnal gan Gyngor Bwrdeistref Sirol Pen-y-bont ar Ogwr, gan fod hawliau cyhoeddus eisoes yn bodoli ar y rhain.

#### **13. EITEMAU BRYD**

Dim

Daeth y cyfarfod i ben am 14:17

